

佛說鬼子母經

失譯人名今附西晉錄

佛遊大兜國時國中有一母人多子性極惡常喜行盜人子殺噉之亡子家亦不知阿誰取者行街上涕哭人已還共議如是非於一日阿難及衆沙門出行輒見涕哭人已還共議傷哀亡子家佛即知衆沙門議佛到衆沙門所佛問衆沙門向者何等議衆沙門阿難白佛言向者出行分衛見街上涕哭人衆多即問啼哭人汝何爲啼哭報言生亡我子當八

王在天上燒諸天五百鬼王在世間燒帝王人民如是五百鬼王天亦無奈何阿難白佛言鬼子母來在是國中今寧可勑令不盜人子耶佛言大善可令不復盜人子阿難問佛言當用何等方便使不復盜人子耶佛便語

阿難到是母所居衆沙門共伺是母出已後悉斂取子來著精舍中逃之衆沙門即往同是母出行隨後斂取子得十數子逃著精舍中是母便復行盜入子來入舍中不見其子便捨他人子不敢復殺便行索其子逼舍中不知其子處便出行至街里遍城中不得復出城外索不得便入城行道啼哭如是十日母便狂被髮入市涕哭自辟自撲仰天大呼爲狂梁語亦不能復飲食佛遣沙門往視之見母問何爲市中被髮涕哭母即報沙門言

亡我子衆多故哭耳沙門言汝欲得汝子不母報言我欲得之沙門言汝審欲得者是間有佛可往問佛佛者知當來已去之事汝往門去到佛所歡喜前爲佛作禮佛即問母何爲市中啼哭母報佛言亡我子故佛問母汝捨汝子至何所而亡汝子母即默然不言佛復問母汝捨子至何所而反默然無語母知音入六盜人子爲惡母即起爲佛作禮頭面著地我愚癡故佛復問汝有子愛之不母言我有子

坐起常欲著我傍佛復問汝有子知愛之何故日行盜他人子他人有子亦如汝愛之亡子家亦行道啼哭如汝汝反盜人子殺噉之死後當入太山地獄中母聞是語便恐怖佛復問汝寧欲得汝子不母即起復持頭面著地願哀我佛便語母言汝子若在汝寧能自悔不若能自悔當還汝子母言我能自悔佛言汝能自悔當作何等自悔母言我聽佛教誠當隨佛語自悔佛還我子我不敢遠離佛所語佛言審如汝語不母言我審如佛語佛

便授以五戒第一不殺生第二不盜三不婬四不兩舌五不飲酒報能悉還其子佛便為說汝有千子皆為說千子名字五百子在天上皆是鬼中王將鬼官屬嫉害燒天民五百子在世間燒諸人民汝子作鬼王將數萬鬼當八如是五百子將鬼官屬一不可稱數極嫉害惡或自稱作樹木神者或作地神者或作水神者或詐為人兄弟妻子自怨枉家室内外者或作海神者或作船車神者或作舍宅神者或自稱夜在冥中神者或使人夢寤者或

使人恐怖爲人作怪者或自稱星死者自稱病死者如是耗亂人適不在一處極嫉害惡如是矯稱令人祠祀烹殺人不知多爲烹殺飲食是鬼是鬼亦不肯食端嫉害欲使人犯殺欲使人入地獄中要不食之見人祠祀喜如是鬼亦不能護活人命但益罪愚癡人不知坐鬼貧窮鬼子母聞佛說是語即一心自悔即得須陀洹道知方來去事長跪白佛言我愚癡不知世世有惡乃爾今我得持戒思惟中正之道我心皆徹視還見我千子今我

乃知佛所至至語誠願佛哀我我欲止佛精舍傍我欲呼千子王我欲使與佛結要我欲報復天上天下人恩佛言善哉如汝有是意大善佛言汝從是已去當稱是語便止佛精舍邊其國中人民無子者來求子當與之子自在所願我當勑子性與使隨護人不得復妄燒之欲從鬼子母求願者名浮陀摩尼鉢姊名炙匿天上天下鬼屬是摩尼鉢主四海內船車治生有財產皆屬摩尼鉢摩尼鉢與佛結要受戒主護人財物炙匿主人若有產

生當救之有天王名毗沙門主四天地護人

命出入常從毗沙門求願有大鬼王名阿須

倫主諸龍王諸毒氣人從求願令毒不干人
求願當慈心無所用謝亦無所噉食人從求
願者在人何求與耳要無所求索亦不責人

人至浮陀摩尼鉢前爲作禮

唐八

佛說梵摩難國王經

失譯人名今附西晉錄

聞如是一時佛在舍衛國祇樹給孤獨園與
千二百五十比丘俱時有國王號名梵摩難
常供養佛及衆僧每得齋日王輒宿勑群臣
嚴駕王便導數千人到佛所五體投地稽首
佛足佛每爲諸天人民說經法王輒歡喜恭
敬聽經王宮內亦奉事三尊清淨齋戒王有
太子名均鄰儒至心精進覺世非常無生不
死者不貪時榮白王言佛世難值經法難聞

佛說鬼子母經